

Օրենքում փոփոխություն և լրացումներ կատարելու մասին>> ՀՀ օրենքի նախագիծ

Նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՕՐԵՆՔԸ

«ԶԻՆՎՈՐԱԿԱՆ ԾԱՌԱՅՈՒԹՅԱՆ ԵՎ ԶԻՆԾԱՌԱՅՈՂԻ ԿԱՐԳԱՎԻՃԱԿԻ ՄԱՍԻՆ»
ՕՐԵՆՔՈՒՄ ՓՈՓՈԽՈՒԹՅՈՒՆ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

ՀՈՂՎԱԾ 1. «Զինվորական ծառայության և զինծառայողի կարգավիճակի մասին» 2017 թվականի նոյեմբերի 15-ի ՀՕ-195-Ն օրենքի (այսուհետ՝ օրենք) 47-րդ հոդվածում.

1) վերնագրում «սպայական կազմի» բառերը հանել.

2) 2-րդ մասում՝

ա. «զինծառայողը» բառից հետո լրացնել «(այսուհետ՝ զինծառայող)» բառերը, բ. 2-րդ կետում «նշանակելիս» բառից հետո լրացնել «, բացառությամբ այն զինծառայողի, ում նկատմամբ սույն մասով սահմանված ժամկետում իրականացված ատեստավորման արդյունքում առկա է սույն հոդվածի 5-րդ մասի 2-րդ կետում նշված եզրակացությունը» բառերը.

3) լրացնել 9-րդ մաս՝ հետևյալ բովանդակությամբ.

«9. Մարտական և դրան հավասարեցված խնդիրների իրականացման, պլանավորման կամ վերահսկման գործառույթներ ունեցող պաշտոններ զբաղեցնող պայմանագրային զինվորական ծառայության սպայական, ենթասպայական և շարքային կազմերի զինծառայողներին լրավճար հաշվարկելու նպատակով իրականացվում է ատեստավորում Հայաստանի Հանրապետության կառավարության որոշմամբ սահմանված կարգով:»:

ՀՈՂՎԱԾ 2. Օրենքի 61-րդ հոդված լրացնել 18.1-ին մասով՝ հետևյալ բովանդակությամբ.

«18.1. Մարտական և դրան հավասարեցված խնդիրների իրականացման, պլանավորման կամ վերահսկման գործառույթներ ունեցող պաշտոններ զբաղեցնող պայմանագրային զինվորական ծառայության սպայական, ենթասպայական և շարքային կազմերի զինծառայողներին հաշվարկվում է լրավճար՝ սույն օրենքի 47-րդ հոդվածի 9-րդ մասում սահմանված ատեստավորման արդյունքներով և Հայաստանի Հանրապետության կառավարության որոշմամբ սահմանված չափերով ու կարգով: Ընդ որում, հաշվարկված լրավճարի վճարումը դադարում է՝ պայմանագրային զինծառայողին «Հայաստանի Հանրապետության զինված ուժերի կարգապահական կանոնագիրք» օրենքով սահմանված «կարգապահական վաշտ ուղարկելը» կամ «նախագգուշացում՝ պաշտոնին ոչ լրիվ համապատասխանության մասին» կամ «պաշտոնի իջեցում՝ մեկ աստիճանով» կամ «զինվորական կոչման իջեցում՝ մեկ աստիճանով» կարգապահական տույժի ենթարկելու դեպքում՝ համապատասխան կարգապահական տույժի կրման ժամկետով: Սույն մասի համաձայն լրավճար հաշվարկելու դեպքում պայմանագրային զինվորական ծառայության սպայական, ենթասպայական և

շարքային կազմերի զինծառայողներին «Պետական պաշտոններ և պետական ծառայության պաշտոններ զբաղեցնող անձանց վարձատրության մասին» օրենքի 32-րդ հոդվածի 6-րդ մասով սահմանված լրավճարը և պայմանագրային զինվորական ծառայության պաշտոնի համար սահմանված հավելումը չի հաշվարկվում:»:

ՀՈՂՎԱԾ 3. ԵԶՐԱՓՈՎԻՉ ԴՐՈՒՅԹՆԵՐ

1. Սույն օրենքն ուժի մեջ է մտնում պաշտոնական հրապարակմանը հաջորդող օրվանից:
2. Սույն օրենքի 1-ին և 2-րդ հոդվածներով նախատեսված նորմատիվ իրավական ակտերն ընդունվում է սույն օրենքն ուժի մեջ մտնելուց հետո 90 օրացուցային օրվա ընթացքում: